



Ekonomski fakultet

Na osnovu člana 74. Zakona o visokom obrazovanju (prečišćen tekst), („Službene novine Kantona Sarajevo, broj 42/13“), člana 24. i 25. Pravila studiranja za treći ciklus studija na Univerzitetu u Sarajevu, Odluke Vijeća Ekonomskog fakulteta od 11. maja 2015. godine, odluke Senata Univerziteta u Sarajevu (broj: 01-3435/15 od 27. 05. 2015. godine godine), i saglasnosti Ministarstva za obrazovanje, nauku i mlade Kantona Sarajevo (broj: 11/05-34-17944-1/15 od 18. 06. 2015. godine), Ekonomski fakultet u Sarajevu objavljuje

KONKURS

za upis sedme generacije polaznika Doktorskog studija u okviru Bolonjskog modela (“3+2+3”)

Doktorski studij Ekonomskog fakulteta u Sarajevu razvijen je 2008. godine u okviru međunarodnog Tempus projekta u saradnji sa Ekonomskim fakultetom Univerziteta u Beču i Ekonomskim fakultetom Univerziteta u Ljubljani i predstavlja sastavni dio ECTS-baziranog curriculumuma (“3+2+3”) koji je na Ekonomskom fakultetu u Sarajevu uveden od školske 2005/06 godine.

I.

Na PhD-program (akademski i istraživački orijentiran program) iz oblasti Menadžmenta/Biznisa ili Ekonomije, mogu se prijaviti kandidati sa završenim Master studijem prema Bolonjskom modelu, kao i završenim postdiplomskim (magistarskim) programom prema ranijem modelu studija i stečenim zvanjem magistra nauka, uz uslov da imaju prosječnu ocjenu sa drugog ciklusa 8 (C) i više, ili ekvivalentnu vrijednost.

Na DBA-praksi orijentiran doktorski program mogu se prijaviti kandidati sa završenim Master studijem prema Bolonjskom modelu, kao i završenim postdiplomskim (magistarskim) programom prema ranijem modelu studija i stečenim zvanjem magistra nauka, uz uslov da imaju tri godine radnog iskustva.

II.

Minimalan broj za koji će se organizirati studij je deset kandidata.

III.

Spisak potrebne dokumentacije za prijavu na konkurs:

1. Diploma – I ciklus studija/dodiplomski studij (ovjerena kopija)
2. Uvjerenje o položenim ispitima – I ciklus studija/dodiplomski studij (original)
3. Diploma – II ciklus studija/postdiplomski studij (ovjerena kopija)
4. Uvjerenje o položenim ispitima – II ciklus studija/postdiplomski studij (original)
5. Izvod iz matične knjige rođenih (original/ovjerena kopija)
6. Dvije preporuke (original)
7. Dokaz o poznavanju engleskog jezika (ovjerena kopija)
8. Radna knjižica (ovjerena kopija)
9. Rješenje o nostrifikaciji diploma, ukoliko je kandidat stekao ranija zvanja van Bosne i Hercegovine– ovjerena kopija.

IV.

Rok za prijavu je 01. novembar 2015. godine.

V.

Cijena studija: 21.000 KM, uključuje sve troškove (nastava, ispiti, odbrana).

Obrazac Prijave, kao i detaljnije informacije o Programu, mogu se naći na: <http://www.efsa.unsa.ba/ef/treci-ciklus>